



Inatsisartut

Aningaasaqarnermut Akileraartarnermullu

Ataatsimiititaliaq

Finans- og Skatteudvalget

Ulloq/Dato: 4. oktober 2011

J.nr.: 01.31.06/11-00550

Aningaasaqarnermut Naalakkersuisoq

Aningaasaqarnermut Ataatsimiititaliap suliaq nr. 01.31.06/11-00550 pillugu ataasinngornermi ulloq 3. oktober 2011-mi aalajangiineranik Naalakkersuisunut ilisimatitsineq.

Kotomut pingaarnermut 34.10.02-mut, Namminersorlutik Oqartussat illuutaannik aserfallatsaaliuinnermut tunngasumut, ilassutitut aningaasaliissuteqarnissaq

Naalakkersuisut **inassutigaat**,

- Aningaasanut inatsimmi konto 34.10.02-mut, Namminersorlutik Oqartussat illuutaannik aserfallatsaaliuinnermut tunngasumut, missingersuutitut sunniuteqanngitsunik aningaasaliisoqassasoq, tamatumani missingersuutitut ilanngussami siunertaq Peqqinnissaqarfik pillugu immikkoortumut pilersaarusiornermut 900.000 kr.-inik imaqartunik annertusineqarluni.

Aningaasaqarnermut Ataatsimiititaliap oqaaseqaatai

Suliaq una ataatsimiinnermi nr. 104-mi ataatsimiititaliamit siullermik suliarineqarpoq, tamatumani paasissutissanik annertunerusunik pissarsinissaq siunertaralugu suliamik isummerfiginninnissani ataatsimiititaliap kinguartippaa. Naalakkersuisut akissutaat maanna tiguneqarpoq. Akissutip immikkoortuani kingullermi Naalakkersuisut allapput kotomut pingaarnermut pineqartumut missingersuutitut ilanngussami aningaasaliissutitut sinneruttut kukkusumik allanneqarsimanerannik ataatsimiititaliap aalajangiinerigallagaani allassimasut eqqunngitsut. Paasinarsivorli missingersuutitut ilanngussami Aningaasaqarnermut Ataatsimiititaliamit suliarinninnissamat nassiuuneqartumi aningaasaliissutitut sinneruttut allassimasut kukkusut, tassa 2011-mi aningaasaliissutitut sinneruttut pinnagit 2012-imi aningaasanut inatsisissatut siunnersuummi ukiumoortumik aningaasaliissutitut tamakkiisut missingersuutitut ilanngussami allanneqarsimammata. Tamannalu Aningaasaqarnermut Naalakkersuisoqarfimmi pisimasutut isikkoqarpoq, Aningaasaqarnermulli Ataatsimiititaliamut akissutip suliarineqarnerani Peqqissutsimut Naalakkersuisoqarfimmit tamanna ilisimaneqarsimangilaq. Taamaalillunilu Aningaasaqarnermut Ataatsimiititaliamit allanneqartut eqqortuupput.

Suliat Aningaasaqarnermut Ataatsimiititaliamit suliarineqartussat imarisaat pillugit pitsaanerusunik ataqtigiissaarinikkut kukkuneq taama ittoq pinngitsoortinneqarsimassagaluarimat Aningaasaqarnermut Ataatsimiititaliamit oqaatigineqassaaq, taamaalillunilu missingersuutitut ilanngussap 2011-mi ilassutitut aningaasaliissutitut inatsimmut ilanngunneqannginnerani iluarsineqarnissaa ataatsimiititaliamit aalajangiusimaneqarpoq.

Kiisalu aningaasaliissuteqarnissamik qinnuteqaammi matumani iliuuserisassat nuna tamakkerlugu sanaartugassanut periusissamat tigussaasumik qanoq ataqtigiissaariffigineqarnissaasa paasisaqarfiginissaa ataatsimiititaliamit qilanaaraa.

Aningaasaqarnermut Ataatsimiititaliap aalajangiinera

Siuliani allassimasutut paasinnilluni Naalakkersuisut inassuteqaataat Aningaasaqarnermut Ataatsimiititaliamit **akuersissutigineqarput.**

Aningaasaqarnermut Ataatsimiititaliaq sinnerlugu

Andreas Uldum
Siulittaasoq